

玉機微義卷之五

滯下門

○腸澼生死脉法

內經曰。腸澼便血。身熱則死。寒則生。腸澼下白沫。脉沉則生。浮則死。腸澼之屬。身不熱。脉不懸絕。滑大者。生。懸澹者。死。以臍期之。又曰。陰陽虛。腸澼死。又曰。泄而脫。血脉實。皆曰難治。

按此云生死。亦是大槩言之。必須更兼證以詳審之。下同。

脉經云。腸澼下膿血。脉沉小流連者。生。數疾且大有熱者。死。又腸澼筋攣。其脉小細安靜者。生。浮大而緊。

者死。

嚴氏云。凡下利之脉。微小者。生。浮洪者。難治。腸澼下膿血者。脉宜滑大。若弦急者。死。

○仲景治痢大法

下痢脉沉弦者。下重。脉大者。爲未止。脉微弱數者。爲欲自止。雖發熱不死。下痢手足厥冷。無脉者。灸之不溫。若脉不還。反微喘者。死。○下痢有微熱而渴。脉弱者。令自愈。○下痢脉數。有微熱汗出。令自愈。設脉緊。爲未解。○下痢脉數而渴者。令自愈。設不差。必清膿血。以有熱故也。○下痢反弦。發熱身汗者。自愈。○下痢氣滯者。當利其小便。○下痢腹脹滿。身體疼痛。先。

温其裏。乃攻其表。温裏宜四物。攻表宜桂枝湯。○下痢脉滑而數者。有宿食也。當下之。○下痢脉遲而滑者。實也。痢爲未止。急下之。○下痢脉反滑。當有所去下之安。○下痢不欲食。有宿食者。當下之。○下痢腹滿痛爲寒實。當下之。○下痢腹堅者。當下之。○下痢謔語有燥屎。當下之。○下痢三部脉皆平。按之心下堅。急下之。○下痢已差。至其時復發者。此爲下未盡。更下之安。○下痢脉大浮弦。下之當自愈。○風寒下痢者。不可下。下後心下堅痛。脉遲。此爲寒。宜温之。○下痢脉浮大。此爲虛強。下之故也。設脉浮革者。因而腸鳴。當温之。○下痢脉遲緊痛未欲止。當温之。○下

痢心痛。急當救裏。可與理中。四逆附子輩。○下痢大孔痛。宜温之。

按丹溪曰。仲景治痢。可下者十法。可温者五法。或解表。或利小便。或待其自己。區別易治難治不治之證。至爲詳密。但與泄痢混同立論而未分。今載于滯下門內。故於瀉痢條內不載。宜於此通考焉。○東垣治痢法

病機機要云。後重則宜下。腹痛則宜和。身重則除濕。脉弦則去風。膿血稠粘。以重劑竭之。身冷自汗。以毒藥温之。風邪內縮。宜汗之。驚澹爲利。當温之。又云。在外者發之。在裏者下之。在上者湧之。在下者竭之。身

毒一本  
作熱  
內縮一  
本作外

表熱者內疎之。小便滯分利之。又曰盛者和之。去者送之。至者止之。兵法曰避其銳氣擊其墮歸。此之謂也。

秘藏云。假令傷寒飲食膜脹滿而傳殄泄者。宜溫熱之劑以消導之。傷濕熱之物而成膿血者。宜苦寒之劑以內疎之。風邪下陷者。升舉濕氣內勝者。分利之。裏急者。下之。後重者。調之。腹痛者和之。洞泄腸鳴無力不及拈衣。其脈弦細而弱者。溫之。收之。膿血稠粘。至圍而不能便。其脈洪大而有力者。寒之下之。

按此分風寒濕熱表裏溫補寒下等治。至為切當。學者尤宜熟玩。但其裏急後重腹痛之義未詳。今

別論于左

○太陰受濕傳腎為膿血痢

機要云。有太陰經受濕而為水泄。虛滑身重。微滿不和。穀味久則防變而為膿血。脾經傳腎謂之賊邪。故難愈者。若先利而後滑。謂之微邪。故易痊。此皆脾土受濕之所為也。

再有風寒二證。在泄痢條下。

○論風寒暑濕皆能作痢

陳無擇云。滯下之證。內經所載血溢血泄血便。注下。古方則有清膿血。近世呼為痢疾。其實一也。多由脾胃不和。飲食過度。停積於腸胃。不能尅化。又為風寒。

暑濕之氣于之故為此疾傷熱則赤傷冷則白傷風則純下清血傷濕則下如豆汁冷熱交併赤白兼下治法當先用通利之藥踈條臟腑

嚴氏云以巴豆等劑推其積熱後辨以冷熱風濕之證用藥調治熱赤者清之冷白者溫之傷風而下清血者則祛逐之傷濕而下豆汁者分利之冷熱相併溫涼以調之仍須先調胃氣切不可驟用罌粟訶子之藥止之澁之使停滯不泄多致危殆

按赤白分冷熱之說河間論之甚詳其云風下清血濕下豆羹汁者蓋謂風喜傷肝肝主血故下清血者為風也濕喜傷脾脾胃為五穀之海無物不

受常兼四臟蓋豆汁之色如五色之相雜故下豆羹汁者為濕也又云治法當先通利此迎而奪之之義若有虛者亦宜審之使果有積滯在腸胃者方所當通利然嚴氏謂巴豆等藥使用之於傷冷物則可若用之於熱者為害非輕又云風則祛逐肝謂祛逐者果何法何藥歟若以邪氣當祛逐則豈獨於風而寒濕熱為不可耶此又失於明白

○論滯下分三因

陳無擇云古方風停膚腠下瘀血或下鮮血濕毒下如豆羹汁皆外所自之明文也古方有五淺因臟氣鬱結隨其所發使利膿血作青黃赤白黑色一一不

血一本  
氣

同。即內所因也。又飲食冷熱。酒醴醢醢。縱情恣慾。房室致傷精血。腸胃粘溢。久積冷熱。遂成毒痢。皆不內外因。治之先推其歲運。以平其外。察其鬱結。以調其內。審其疔傷。以治不內外。條然明白。不致妄投也。

按此所分三因治法。其理甚當。但外因六淫疔傷者。古方用藥則多有之。內因藏氣鬱結。與夫飲食房勞而得者。諸方則未之見也。凡三因所傷。皆能干犯腸胃而爲利。今陳無擇立論。有三因之分。而用藥無三因之別。此又所當分而治者。失於開示焉。

○時疫作痢

玉機微義卷之五

五

大全良方云。有一方一家之內。上下傳染。長幼相似。是疫毒痢也。治法雖當。察運氣之相勝。亦不可狎泥。當先察其虛實冷熱。首用敗毒散。加人參甘草陳皮。隨證用之。

按時疫作痢。歲常有之。其謂當察其運氣之相勝。與病冷熱虛實之不同。誠爲確論。蓋欲學者知五運六氣。有太過不及。勝負之不同。以分風寒暑濕燥火爲病。而平治之也。然首專用敗毒散之義。何其自狎泥也。

○論食毒作痢

陳無擇云。飲服冷熱。酒醴醢醢。腸胃粘溢。久積冷熱。

遂成毒痢

嚴用和云。或有飲服冷酒寒物。房室勞傷精血而成。久毒痢則宜化毒以保衛之。

按人之飲食過傷。恣食辛熱寒冷之物。皆能致傷腸胃腸胃一傷。不能運化傳送。遂蓄積停滯而爲痢。經曰。飲食不節起居不時者。陰受之。陰受之則入五臟膜。滿閉塞。下爲飧泄。久爲腸澼。是也。治法當先消化食毒。或可攻伐。然後隨寒熱溫涼以調之。此二論本諸內經。而世所未言者也。

○論裏急後重

病機云。裏急後重。脈大而洪實爲裏熱甚而閉。是有物結墜也。若脈浮大甚不宜下。雖裏急後重。而脈沉細弱者。謂寒在內而氣散也。可溫養自愈。裏急後重閉者。大腸經氣不宜通也。宜加檳榔木香。宜通其氣。原病式云。下迫後重裏急。窘迫急痛也。火性急速而能燥物故也。

按裏急者。窘迫急痛是也。後重者。大腸墜重而下也。夫裏急後重。其證不一。有因火熱者。所謂火性急速而能燥物是也。有因氣滯者。此大腸經氣壅而不宣通也。有因積滯壅盛者。是有物結墜也。有氣虛者。此大腸氣降而不能升也。有血虛者。所謂虛坐努責是也。治法火熱者寒之。清之。氣滯者調

切一作  
竊

之積滯者去之。氣虛而降者升之。舉之。血虛者補之。各察其所自也。切觀前論未為詳盡。

○論泄痢而嘔

病機云。如痢或泄而嘔者。胃中氣不和也。上焦不和。治以生薑橘皮。中焦不和。治以芍藥當歸桂茯苓。下焦不和而寒。治以輕熱甚以重熱藥。

按此云泄痢而嘔。謂胃氣不和所致。蓋亦有胃中火逆衝上而嘔者。有胃虛而嘔者。有積滯毒氣上攻而嘔者。有陰虛而嘔者。豈可一於胃氣之不和而不它及耶。

○論泄痢腹痛

玉機微義卷之五

七

機要云。腹痛者和之。如發熱惡寒。腹不痛。藥加黃芩為主。腹痛甚者。加當歸倍芍藥。

按泄痢腹痛。其證甚多。皆因內氣鬱結不行所致。理宜行氣散鬱為先。然亦有挾寒。有挾火熱者。有因積滯者。有血虛者。又宜隨證處治為當也。今機要云和之一字。總言之耳。蓋加當歸倍芍藥之法。惟血虛可用。

○論禁口痢

百一選方云。禁口痢。是毒氣上衝心肺所致。用石蓮肉以通心氣。

按痢而能食。知胃未病也。若脾胃濕熱之毒薰蒸。

清道而上以致胃口閉塞而成禁口之證。理宜除胃口之邪熱。而此云毒氣上衝心肺。其毒不知指何者之邪。然亦有脾胃虛而得者。亦有誤服利劑。藥毒犯胃者。又有服瀉熱之劑太早。而邪氣閉遏於胃口者。必當求責。

○論下痢吃逆

丹溪曰。吃病氣自下衝上。屬火之象。古方悉以胃弱言之。殊不知胃弱者陰弱也。虛之甚也。滯下之久。多見此證。乃因久下而陰虛也。詳見吃逆本門

○辨痢色分五臟

原病式曰。瀉白爲寒。青黑紅赤黃皆爲熱也。蓋瀉白

者。肺之色也。由寒水制火。不能平金。則金肺自甚。故色白也。痢色青者。肝木之氣。由火甚制金。不能平木。故色青也。或言痢色青爲寒者。誤也。仲景少陰病下痢清水。色純青。熱在裏也。大承氣湯下之。及小兒熱甚急驚。痢色多青。爲熱明矣。痢色黃者。由火甚則水必衰而脾土自旺。故色黃也。痢色紅。爲熱。心火之色也。或赤熱深甚也。至若痢色黑。亦言熱者。由火熱亢甚。則反兼水化制之。故色黑也。故傷寒陽明病云法當大承氣下之。大便不黑者難恐作治諸痢同法。云按世人多以瀉痢之青白黑三色爲寒。黃赤二色爲熱。今觀河間分五臟之論。煥然耳目。而知世人



澤雨  
字一  
本作  
溢

之非也。或曰。內經視絡脉之色曰。寒多則凝。泣凝  
泣則青黑。熱多則溲澤。溲澤則黃赤。又曰。黃赤則  
熱。多白則寒。世俗之論。豈非本於此歟。愚曰。內經  
論經脉之常色。心赤肺白肝青脾黃腎黑也。陰絡  
之色。應其經。但陽絡之色。隨四時而行。應無常色。  
遇天氣之寒。則經絡凝泣。故其色多青黑。遇天氣  
之熱。則經絡溲溢。故其色多黃赤。此蓋因外氣之  
寒熱。而浮絡相應而然。凡人之在冬月炎天。與夫  
久坐遠行。其面色相應。亦皆然。非如痢色之出於  
臟腑。隨內氣所感而生也。况滯下之證。多因濕熱  
所致。內經曰。肺熱者。色白而毛敗。心熱者。色赤而

絡脉溢。肝熱者。色蒼而爪枯。脾熱者。色黃而肉蠕  
動。腎熱者。色黑而齒槁。此雖論痿。亦可見五臟之  
內熱。皆能顯此五色。今滯下之論。五色意實相同。  
然此不可與浮絡之因外氣相應者。同語也。

○辨赤白分冷熱之誤

原病式曰。或言下痢白為寒者。誤也。若果為寒。則不  
能消穀。何由反化為膿也。所謂下痢穀反為膿血。如  
世之穀肉果菜。濕熱甚。則自化腐爛潰發。化為膿血。

也原病式  
作然

也。其熱為赤。熱屬心火故也。其濕為黃。濕屬脾土故  
也。燥鬱為白。屬肺金也。經曰。諸氣憤鬱。皆屬於肺。謂  
燥金之比也。然諸瀉痢。皆兼於濕。今反言氣燥者。謂

濕熱甚於腸胃之內。而腸胃怫鬱結。而又濕至于否。以致氣液不得宣通。因以成腸胃之燥。使煩渴不止也。假如下痢赤白。俗言寒熱相兼。其說尤誤。豈知水火陰陽寒熱者。猶權衡也。一高則必一下。一盛則必一衰。豈能寒熱俱甚於腸胃。而同為痢乎。如熱生瘡瘍。而出白膿者。豈可以白為寒歟。其在皮膚之分屬金。故色白也。次在血脉之分。屬心火。故為血也。在肌肉屬脾土。故作黃膿。在筋部屬肝木。故其膿色帶蒼。深在骨屬腎水。故紫黑血出也。各隨五臟之部。而見五色。是其標也。本則一出於熱。但分淺深而已。大法下迫窘痛。後重裏急。小便赤澀。皆屬燥熱。而下痢白

者必多有之。然則為熱明矣。

按河間謂赤白不當分冷熱。乃屬肺金心火之化。又謂五色各屬五臟。本則一出於熱。其論至當。但世患此疾者。赤白居多。今既以不當分冷熱為治。若專以辛苦寒退熱。此則治本之法。肝謂心火肺金之化者。抑有別歟。蓋心主血。肺主氣。白屬肺金。此氣受病也。赤屬心火。此血受病也。赤白相雜。血氣俱受病也。知此則肝青脾黃腎黑之說。亦可得而互明矣。

○論熱藥治痢之誤

原病式云。或曰。白痢既為熱病。何故服辛熱之藥。亦

有愈者耶。蓋辛熱之藥能開發腸胃鬱結使氣液  
通流濕潤燥氣和而已。蓋病微者可愈甚者鬱結一  
開其病轉加而死矣。凡治熱甚吐瀉亦然。夫治諸痢  
者莫若以辛苦寒藥治之。或微加辛熱佐之則可。蓋  
辛能發散開通鬱結苦能燥濕寒能勝熱使氣宣平  
而已。如錢氏香連丸之類是也。故治諸痢者黃連黃  
柏爲君以其至苦大寒。正主濕熱之病。乃若世傳辛  
熱金石毒藥治諸吐瀉下痢。或有愈者以其善開鬱  
結故也。然雖亦有驗者或不中效反更加害。

按治痢用辛苦寒之劑開鬱燥濕勝熱三法俱備  
世之用辛熱金石毒藥者誠非也。然亦有久痢腸

胃虛滑者亦當求責

○治痢通曰通用之法

子和云。夫下痢膿血腹痛不止。可用調胃承氣湯加  
姜棗煎。更下藏用丸瀉訖。以五苓益元調下。又一男  
子瀉痢不止。如傾。不敢冷坐。諸醫皆以爲寒治。延二  
十載。兩手寸脉皆滑。余不以爲寒。所以寒者水也。以  
茶調散。湧寒水五七升。又以無憂散泄積水數十行。  
乃通曰通用之法也。次以淡劑利水道。

按此用吐下以治痢。本內經通曰通用之說。使腸  
胃虛滑者其可下乎。中氣虛弱者其可吐乎。今云  
可下者。謂有積滯在腸胃。壅塞不通者也可吐者。

謂有痰飲在膈上。氣不能降。以致大腸不能收斂者也。

丹溪曰。積濕成痰。在肺中。宜大腸之不固也。清其源則流自清矣。正是此意。

○論局方用熱藥瀉藥之非

丹溪曰。洩痢一證。局方用鍾乳健脾丸。朝真丹。訶梨勒丸。大溫脾丸等藥。昔用熱藥為主。治瀉藥為佐。使當為腸虛感寒而成滑者設也。彼瀉痢者。將無熱證耶。將無積滯耶。內經曰。痢有膿血。多屬滯下。夫瀉痢證。其類尤多。先賢曰。濕多成泄。此確論也。然有挾風者。固不可得。而同矣。况風與濕之外。又有雜合受邪。

似難例用瀉熱之藥。局方出證。有兼治裏急者。有兼治後重者。有兼治裏急後重者。此豈非滯下病乎。今瀉痢與滯下。混同論治。實實虛虛之患。將不俟終日矣。經曰。暴注下迫。皆屬於熱。又曰。暴注皆屬火。又曰。下痢清白。屬於寒。屬火熱者二。屬水寒者一。瀉痢一證。似乎屬熱者多。屬寒者少。局方專以瀉熱為用。若用之於下痢清白為寒者。或可矣。所謂下迫者。即裏急後重之謂也。其病屬火。相火所為。其毒甚於熱矣。投以瀉藥。非殺而何。

○滯下亦有挾虛挾寒

丹溪曰。或問河間之言。滯下似無挾虛挾寒者乎。否。

予曰。洩痢之病。水穀或化或不化。並無努責。惟覺  
困倦。若滯下則不然。或膿或血。或膿血相雜。或腸垢  
或無糟粕。或糟粕相混。雖有痛不痛大痛之異。然皆  
裏急後重。逼迫惱人。似乎皆熱證。實證也。予近年涉  
歷。亦有大虛大寒者。不可不知。敢筆其畧。以備采覽。  
予從叔年踰五十。夏間患滯下病。腹微痛。所下褐色。  
後重頻併。穀食大減。時有微熱。察其脈皆弦而澁。似  
數而稍長。却喜不甚浮大。兩手相等。視其神氣大減。  
予曰。此滯下憂慮所致。心血虧脾氣弱耳。遂與參朮  
爲君。當歸陳皮爲臣。川芎炒芍藥茯苓爲佐使。時暄  
熱甚。少加黃連。兩月而安。婁長官年三十余。奉養厚

者。夏秋間患滯下。腹大痛。有人教服單煮乾姜。與一  
貼則痛定。少頃又作。又與之定。由是服乾姜至三斤。  
入目視之。左脈弦而稍大。似數。右脈弦而大。稍減亦  
似數。重取之似緊。予曰。此必醉飽後吃寒涼太過。而  
當作虛寒治之。曰。其多服乾姜。遂教用四物湯。去地  
黃。加入參白朮陳皮酒紅花茯苓桃仁。煎入生薑汁  
飲之。至一月而安。金氏婦年近四十。秋初尚熱。患滯  
下腹。但隱痛。夜重於晝。全不得睡。食亦稍減。口乾不  
飲。已得治痢靈砂二貼矣。予觀之。兩手脈皆澁。且不  
勻。神思倦甚。飲食全減。曰。與四物湯。倍加白朮。以陳  
皮代之。與十數貼而安。此三病者。若曰其逼迫而用

峻劑豈不誤人

按滯下之證。古人多與泄瀉同論。至三因方始能別立條目。蓋實有不同。夫病有從外感而得者。須分六氣之異。外既受傷。腸胃鬱結。遂成赤白等證。當隨其寒熱溫涼以調之。有因臟氣發動。于犯腸胃而得者。須察其何臟相乘。以平治之。又有因飲食失節而得者。則又審其何物所傷。以消剋之。世之感此疾者。其因誠不越乎是三者。但其受病之後。腸胃怫鬱。膿血稠粘。裏急後重。諸方雖有寒熱虛實之論。劉河間則以爲一出於熱。然攷之內經。似亦熱多而寒少也。我丹溪先生則以爲亦有挾

虛挾寒之證。深戒學者須宜識此世之局。方不辨三因。專用泄熱之藥。其失甚矣。至河間立說。專用苦寒。踈下之藥。則亦未甚爲當。何則。蓋病有虛實。治有先後。若病氣暴至。元氣壯實。積滯膠固。須宜下之。病又氣脫。腸胃虛滑。不禁者。亦宜溫之。泄之大抵治痢。當從仲景河間之法。可溫則溫。可下則下。或解表。或利小便。或待其自己。劉河間分別在表在裏。挾風挾熱挾寒等證。後之作者。無越於斯。但氣血一條。未嘗未出立論。其於芍藥湯下。有曰行血則便自愈。調氣則後重除。蓋謂洩便膿血。血之滯也。故曰行血自愈。奔迫後重。氣之實也。故曰

調氣自除。誠哉是言。但膿血赤白。亦有氣病血病之分。後重裏急。亦有氣實血虛之異。學者又不可不察。詳見前論。

滯下治法

○治熱之劑

仲景白頭翁湯。治熱痢重下者。

白頭翁 二兩

黃連

黃柏

秦皮 各三兩

右四味以水七升。煮取二升。去粗服一升。不愈再照。

按此治痢在下焦。腎虛有熱也。經云。腎欲堅。故用純苦之劑以堅之。出太陰例藥也。以其下痢屬太

玉機微義卷之五

十五

陰故也。

機要黃芩芍藥湯。治泄痢腹痛。或後重身熱。久不愈。脈洪疾。及下痢膿血稠粘。

黃芩

芍藥 各一兩

甘草 五錢

右咬咀。每服半兩。水一盞半。煎一盞。溫服。

按此手足太陰經之藥也。仲景用芍藥甘草湯。以復其陰。酸以收之。甘以緩之。酸甘相合。以補陰血也。芍藥白者補。赤者瀉。出太陽芍藥甘草例。

大黃湯。治泄痢久不愈。膿血稠粘。裏急後重。日夜血

度

大黃 一兩

右細剉好酒二大盞同浸半日許。再同煎至一盞半。去大黃將酒分爲二服。頓服之。痢止一服如未止。再服。取利爲度。後服芍藥湯以和之。利止再服黃芩芍藥湯。徹其毒也。

按此乃陽明調蕩滌邪熱之藥。用酒煎者。欲其上至頂巔。外徹皮毛也。

芍藥湯。下血調氣。經曰。洩而便膿血。知氣行而血止也。行血則便膿自愈。調氣後重自除。

- 白芍藥一兩 當歸
- 黃連各半兩 枳榔
- 木香各二錢 桂半錢 大黃三錢 黃芩半兩
- 甘草二錢

右咬咀每服半兩。水煎食後溫服清。如利不減加大黃。

按此行血調氣不熱之藥也。大凡用藥之雜。與品味之多者。難以細分經絡。當觀其大體如何。此則太陽桂枝例藥也。

白朮黃芩湯。服前藥痢雖除。更宜此調和。

- 白朮一兩 黃芩七錢 甘草三錢

右咬咀勻作三服。水煎服清。

按此去濕熱和中活血之藥也。

錢氏芍藥蘘皮丸

白芍藥

黃栢各等分



右為末。水丸。如梧子大。每服三四十九。白湯下。守真芍藥蘘皮丸。治一切濕熱惡痢。

白芍藥 黃柏各一兩 黃連 當歸各半兩

右為末。水丸。如小豆大。每服四五十九。白湯下。

按此二方補陰降火。下焦之藥也。出太陽例。

局方黃連阿膠丸。治冷熱不調。赤白下痢。

阿膠炒二兩 黃連三兩 茯苓二兩

右水熬阿膠膏。搜和。二末為丸。米飲服。

按此補虛退熱除濕之藥也。出太陽例。海藏云。已上苦寒之劑。元病不經內傷冷物者。宜察亦當服人之虛實。及以脉別之。

○治寒之劑

局方桃花丸。治冷痢腹痛。下如魚腦。白物。

赤石脂煨 乾姜炮各等分

右為末。蒸餅糊丸。米飲下三四十九。日三服。

按此出陽明例藥方。

丹溪曰。桃花丸。即要畧桃花湯也。仲景以治便膿。

血。用赤石脂丸者。乾姜粳米同煮作湯。一飲病安。

便止。後藥煮。謂病下焦血虛。且寒。非乾姜之溫石。

脂之澁。且重。不能止血。粳米味甘。引入腸胃。不使。

重澁之體。少有凝滯。藥行易散。餘毒亦無。局方不。

知深意。改為丸藥劑。以麪糊日與三服。果能與仲。

局方發作完

景之意合否也

嚴氏當歸丸治冷留腸胃下痢純白腹痛

當歸酒洗 白芍藥 附子炮去皮 白朮

乾姜炮 厚朴 阿膠蛤粉炒各一兩 烏梅肉二兩

右為細末醋糊丸桐子大每服五十九米飲送下

局方訶梨勒散治腸胃虛弱泄利水穀漸成痢疾

青皮去穢 肉豆蔻煨 肉桂各五錢

附子炮去皮 訶子皮四兩

右為末每服三錢姜三片煎服

按局方以白痢為寒多用辛熱燥毒之藥若用之於下痢清穀腸虛感寒者或可矣若膿血稠粘屬

火之證用之非殺而何但感寒之證吾恐什百而一二也

○冷熱之劑

古方駐車丸治冷熱下痢腸滑赤白

黃連六兩 乾薑 當歸各二兩 阿膠蛤粉炒成

右先以醋煮膠令消入前三藥和勻衆手丸桐子

大米飲送下

局方香連丸治冷熱不調下痢赤白膿血相雜裏急

後重

黃連去蘆二十兩用吳茱萸十兩同炒令赤色去茱萸不用 木香四兩八錢

右為細末醋糊丸桐子大每服二十九空心米飲

下

按此出六

戊巳丸治胃經受熱

黃連

吳茱萸炒去核

白芍藥五

右為細末。麩糊丸。梧子大。每服三十九。米飲下。

按此出厥陰已寒例。口上三方出證。治少熱下痢。蓋冷熱異氣。水火相反。豈能同。在腸胃為病耶。論中辨之詳矣。但其製方亦有暗合妙理。惜乎世人莫知其深意也。三方中以黃連苦寒之藥為君。正治濕熱之氣。佐以辛甘溫藥。所以開胃。一行滯氣。血宜通。病亦自已。乾薑白朮下黃三者各隨經合宜。

而用要在學者臨機應變。又不可拘執於此也。

○治風之劑

機要防風芍藥湯。治泄痢。及泄瀉。或腹痛而渴。及頭痛而微汗。

蒼朮防風湯。治泄痢。及強頭痛。

良方神朮湯。治春傷。心風。及必食止。已上三方並

澹寮方倉廩湯。治頭步。心煩不食。

局方敗毒散。四錢方。治赤白痢。及重舌。服

按此乃發散風寒之劑。出太陽經藥也。

○治濕之劑

機要白朮芍藥湯。治脾經受濕。水泄注下。

蒼朮芍藥湯同

仲景五苓散

宣明益元散

已上四方並見泄瀉門

○治暑之劑

局方黃連香薷飲治感暑下痢鮮血

方見暑門

按此解散暑熱心肺藥也出太陰厚朴例

宣明桂苓甘露飲

子和桂苓甘露飲

方並見暑劑

按此二方解表利小便大瀉濕熱氣分藥也太陽經藥也

○攻下之劑

仲景大承氣湯

方見下劑

按此泄熱蕩滌腸胃之劑痞滿燥實四證者可用出陽明例藥也

宣明玄青丸治下痢勢惡頻併窘迫或久不愈諸藥

不能止須可下之以開除濕熱痞悶積滯

黃連

黃栢

大黃

甘遂

芫花

醋拌炒

大戟

各半兩

牽牛

四兩取末二兩

輕粉

二錢

青黛

兩

右為末和勻水丸小豆大初服十九每服加十九日三以快利為度

機要厚朴枳實湯治虛滑久不愈多傳變為痢先以此湯防其傳變

厚朴 枳實炒各一兩 訶子皮一兩半生半熟  
 木香半兩 黃連 大黃 甘草炙各三錢

右為末每服三五錢水煎服

按已上三方逐積去熱之藥也。大黃瀉血也。牽牛瀉氣也。甘遂大戟芫花泄水也。厚朴枳實泄痞滿也。各隨其病所宜選而用之。

局方蘇感丸去臟腑有積下痢

以蘇合香丸與感應丸二藥和勻如粟米大每服百丸淡姜湯空心下

按局方之學多以此治痢去積故錄於此。然二藥之類聚溫熱用於傷寒傷冷之物者則可。然有熱

之人積滯雖去熱毒必行其害何可勝言哉

本事方靈砂丹治一切積痢

硃砂並研細各二錢半

右用黃蠟半兩巴豆三七粒去殼皮膜同於銀石器內重湯煮一伏時候巴豆紫色為度去二七粒止將一七粒與前藥同研極勻溶蠟和藥旋丸菉豆大每服三九至五九水瀉生薑湯下白痢艾湯下赤白痢烏梅湯下空心服

按丹溪曰仲景治痢之法下者率用承氣加減何嘗以砒巴豆丹硃決烈燥毒之劑蓋大黃之寒其性善走佐以厚朴之溫善行滯氣緩以甘草之甘

飲以湯液。灌滌腸胃。滋潤輕快。無所留滯。積行即止。此砒丹巴礪熱毒類聚成丸。其氣凶暴。其體重燥。積垢雖行。毒氣未歇。借使有愈疾之功。其腸胃清淳之氣。能免旁損暗傷之患乎。

○消積之劑

脾胃論聖餅子。治瀉痢赤白臍腹撮痛久不愈。

黃丹 二錢

定粉 三錢

蜜陀僧 二錢

舶上硫黃 一錢

輕粉 少許

右為細末。入白麩四錢。滴水。和如指尖。大捻作餅子。陰乾。食前漿水磨化服之。大便黑色為妙。元戎聖功丸。專治血痢。

膩粉

定粉 各三錢

一法加蛤粉

右研勻。水浸蒸餅。九菘豆大。艾湯下。

○止瀉之劑

仲景桃花湯。治下痢便膿血。

赤石脂 一斤半剉

乾姜 一兩

粳米 升

右三味。以水七升。煮米令熟。去滓。溫七合。內赤石脂末。方寸匕。日三服。若一服愈。勿再服。

按此方出手陽明例藥也。但赤治丙而白治庚也。

嚴氏禹餘糧丸。治腸胃虛寒。滑泄不禁。

禹餘糧石 煨

赤石脂 煨

龍骨 煨

草撥

乾姜 炮

訶子 煨 裹

肉豆蔻 煨 裹

附子

炮去皮臍 各等分

右為末醋糊丸。桐子大。每服七十九。空心米飲下。局方真人養臟湯。治冷熱不調。下痢赤白。裏急後重。腹痛脫肛。

罌粟殼 去蒂蓋蜜炙 三兩六錢

人參

當歸 各六錢

肉桂 八錢

訶子皮 二兩二錢

木香 二兩四錢

肉豆蔻 麩裹煨 半兩

白朮 六錢

白芍藥 一兩六錢

生甘草 一兩八錢

右咬咀。每服四錢。水煎服。臟寒加附子。

水煮木香丸。治一切下痢赤白膿血相雜。裏急後重。

罌粟殼 去穰二兩八錢

青皮 去白

甘草 炙各二兩四錢

當歸 洗去蘆 六兩

訶子 炮去核 八兩

木香 不見火 六兩

右為末蜜丸如彈子大。每服一九。水八分。蓋煎化。溫服。

秘藏訶子散。治腸胃虛寒泄瀉。米穀不化。腸鳴腹痛。脫肛。及作膿血。日夜無度。

御米穀 去蒂蓋炒 半兩

訶子 煨去核 七分

乾姜 炮六分

橘皮 半錢

右為細末。分作二服。水煎和滓。熱服。空心下。

十劑云。澁可以去脫。以米穀之酸。微澁上收。固氣去脫。主用為君。以訶子皮之微酸。上收固血。治其

形脫。橘皮微苦溫。益真氣升陽。為之使。以乾姜大辛熱除寒。為臣。亦為主治也。

秘藏作米穀半錢

兩行上收上止

按已上諸方。皆行溫熱之藥。固氣止血。緊澁腸胃。當為腸虛感寒而成滑者。設也。且滯下之證。多屬於熱。兼有積滯。局方一門。專主澁熱。似難例用。宣明香連丸

木香

訶子肉

煨麩

黃連

炒各半兩

龍骨

二錢

右為細末。飲丸黍米大。每服二十九。米飲湯下。

機要訶子散。治泄痢腹痛。漸以泄下微少。宜此止之。

法云。大勢已去。而宜止之。

訶子皮

一兩半生半熟

木香

兩半

黃連

三錢

甘草

炙三錢

右為細末。每服二錢。以白朮芍藥湯下。如止之不已。宜歸而送之。加厚朴一兩。竭其邪氣也。

脾胃論訶梨勒丸。治休息痢。日夜無度。腥臭不可近。

臍腹撮痛

椿根白皮

二兩

訶子肉

半兩

母丁香

三十箇

右為細末。醋糊為丸。如桐子大。每服五十九。溫米

飲下

按已上諸方。用溫涼之藥。以止痢。較之局方。專用澁熱。則變法矣。夫脫則用澁。理牙當然。脫而挾寒。溫之熱之。可也。脫而挾熱。涼而澁之。可也。寒熱各隨所宜。而用。似難偏執一說。

宣明三聖散。治產後下血痢不止

烏魚骨

炒

燒綿灰

血餘灰

汁脂者各等分



右細末。每服一錢。煎石榴皮湯調下。熱服。  
按此專主止血之劑。

○收斂之劑

嚴氏烏梅丸。治熱留腸胃。下痢純血。臍腹疔痛。

烏梅肉 二兩 黃連 三兩 當歸 枳殼 各一兩

右為細末。醋糊丸。桐子大。每服七十九。食前米飲

下

元戎烏梅散。治下痢津少大渴。引飲不休。

烏梅 焙乾 半兩 茯苓 木瓜 各一兩 一法加桂 三錢 半

右咬咀。每服五錢。生薑三片煎。

按仲景烏梅丸。治傷寒吐衄。後人用治下痢。此皆

酸收之義。出太陽桂苓例藥也。

○血劑

局方胃風湯。治風冷乘虛。入客腸胃。水穀不化。泄瀉

注下。及腸胃濕毒。下如豆汁。或下瘀血。日夜無度。

人參 白茯苓 芎藭 桂

當歸 白芍藥 白朮 各等分

右粗散。每服二錢。入粟米百粒同煎。食前服。

按此方名為治風。而實非治風。乃補血和血益胃

氣之藥。下血痢而挾虛者。實可倚仗。出太陽桂苓

例藥也。

良方加味四物湯。治血痢。

四物加阿膠

艾葉

保命集一方四物內加槐花黃連御米穀各等分

按此補血溫血之藥。出厥陰例藥也。

宣明白朮湯。治孕婦痢膿血

白朮

黃芩

當歸各等分

右為末。每服三二錢。水煎食前服。

○補劑

良方十全大補湯。治一切婦人病痢四十日。諸藥不愈。六脈沉弱。大凡痢脈宜沉宜弱。但服此藥而愈。四君合四物。加黃耆肉桂。

右姜棗煎成。加白蜜半匙。再煎數沸服。

良方當歸補血湯。治妊娠下痢腹痛小便澀。

糯米一合

當歸炒

黃芪各一兩

石細切和勻水煎服

按此二方不分經絡補血之劑。今人治痢而用此者。蓋鮮矣。殊不知血氣虛脫之人。與夫胎前產後之證。此法不可無也。故特立條目以表章之。

○雜方

良方治疫毒痢敗毒散。多加人參甘草陳皮。姜棗煎服

按此方詳見論中

嚴氏茜根丸一切毒痢及... 在利血下如雞屎... 頰腹痛

茜根 洗

川升麻

犀角

地榆

當歸

黃連

枳殼

白芍藥

右等分為末。醋煮米糊為丸。如桐子大。每服七十丸。空心米飲下。

按此方消化死血。解飲食毒之藥。

百一選方。治禁口痢。

石蓮去殼留心并肉。碾為細末。每二錢陳皮飲調下。此是毒氣上衝心肺。借此以通心氣。便覺思食。

澹寮方。治禁口痢。毒氣上衝心肺者。

敗毒散 四錢

陳倉米 粒一百

右咬咀。姜三片。棗一枚。煎服。

又方治脾胃虛弱。禁口痢。用山藥一味。剉如小豆大。一半銀器內炒熟。一半生用。同為末。米飲調下。

按禁口痢。古人論之者少。故留此三方。以備... 然石蓮之通心氣。敗毒散散表邪。山藥之補脾... 示能開胃口而進食乎。

導氣湯治下痢膿血。裏急後重。腹疼作渴。日夜... 以

黃連

黃芩

大黃

當歸

白芍藥 一兩

木香

檳榔 各二錢

右咬咀每服五錢。水煎。食前溫服。  
此方即前芍藥湯減桂甘草二味。今人多如此用。  
故收入。

玉機微義卷之五終

玉機微義 卷之六

泄瀉門 此門宜與下參看

○瀉痢生死脉法

內經云脉細皮寒少氣泄利前後飲食不入。是謂五虛死。其漿粥入胃泄注止則虛者活。

脉經云洩注脉緩時小結者生。浮大數者死。又洞洩食不化不得留。下膿血脉微小流連者生。緊急者死。脉訣云下痢微小即為生。脉大浮洪無差日。

○仲景治痢大法

○東垣治痢大法

○瀉分寒熱

按此並見滯下門

下  
一  
本  
作  
字  
不  
化  
二  
字

病機機要云臟腑瀉痢其證多種大抵從風濕熱論是知寒少熱多寒則不能久也故曰暴瀉非陽久瀉非陰大便完穀下有寒有熱熱者脉疾身多動者聲響亮暴注下迫此陽也寒者脉沉而細身不動作目睛不了了飲食不下鼻準氣息者姜附湯主之若身重四肢不舉木附湯主之

按以瀉之久暴分陰陽正如傷寒之病以爲寒而終則傳變而爲熱也然亦必以脉證參焉

原病式曰瀉白爲寒青黃紅赤黑皆以爲熱也。大抵瀉痢小便清白不澀爲寒赤澀者爲熱又完穀不化而色不變吐利腥穢澄澈者爲小便清白不澀身涼

不渴脉遲細而微者寒也。穀雖不化而色變非白。煩渴小便赤澁者熱證也。凡穀消化無問色及他證便爲熱也。寒泄而穀消化者未之有也。或火性急速傳化失常穀雖不化而殮泄者亦有之矣。仲景云邪熱不殺穀然熱得濕則殮泄也。

○論瀉痢有濕有熱有風有寒

機要云有太陰經受濕而爲水泄虛滑身重微滿不知穀味久則防變而爲膿血脾經傳腎謂之賊邪故難愈若先利而後滑謂之微邪故易痊此皆脾土受濕之所爲也

有厥陰經下痢不止其脉沉而遲手足厥逆涕唾膿

血此難治宜麻黃湯小續命汗之此有表邪縮於內當瀉表邪而愈

有暴下無聲身冷自汗小便自利大便不禁氣難布息脉微嘔吐急以重藥溫之漿水散是也

○論暴注屬火

子和云夫暴注瀉水不已內經曰注下也注下水利也暴速甚者屬火宜用水調桂苓甘露飲五苓益元散或以長流水煎放冷服涼膈通聖散亦能治之慎不可驟用罌粟穀乾姜豆蔻之類縱瀉止亦轉生他疾止可分陰陽利水道而已

按已上論所辨寒熱風濕火等證所以明六淫之

邪皆能為瀉為注者亦當各隨所淫之邪分而治之可也

○論胃氣下降為飧泄

機要云夫脾胃同濕土之化主腐熟水穀胃氣和平飲食入胃精氣則輸於脾土歸於肺行於百脉而成榮衛若飲食一傷起居不時損其胃氣則上升精華之氣反下降是為飧泄久則大陰傳少陰而為腸澼

○論春傷於風夏必飧泄

機要云春宜緩形形緩動則肝木乃榮反靜密則是行秋令金能制木風內藏甚至則火盛而金去獨火木旺而脾土損矣輕則飧泄脉泄穀不化重則下利

脈一本  
作所

膿血稠粘良方云經云春傷於風夏必飧泄蓋風毒傷肝春時木旺不受邪反移氣尅於脾土脾既受尅不能運化因成積滯夏秋之間再感暑濕風冷之氣發動而成痢也

○論飧泄屬風宜汗

子和云飧泄不止完穀不出發汗可也桂枝麻黃湯主之此證以風為根蓋風隨汗出也

出  
一本  
作化

按飧泄證機要謂胃氣下流及春行秋令良方謂春木旺移氣尅脾二論雖殊要之皆曰風木傳變而脾土受邪爾子和謂風隨汗解此論固是然亦須隨其傳變而治不可執此一法也

○瀉分三因

三因嚴氏云。泄瀉一證。經中所謂洞泄。飧泄。溏泄。溢泄。濡泄。米穀注下是也。所因有內外。不內外。差殊耳。經云。春傷於風。夏必飧泄。又云。濕勝則濡泄。寒甚則爲泄。暑熱盛之亦爲泄。至於七情感動。藏氣不平。亦致溏泄。其如飲食不節。過食生冷。而成泄瀉者。乃脾胃有傷也。但停滯泄瀉一證。直須積滯已消。然後用以斷下藥。今人往往便固止之。多成痢疾者矣。治法先理中焦。次分利水穀。治中不效。然後斷下。

按此三因所分甚詳。但外所淫者。既六而立。方止有其二。內之七情爲證。而又不詳及於治法。

○治瀉痢用吐下汗三法

子和云。一僧臟腑不調。三年不效。此洞泄也。以謀慮不決而成。肝主謀慮。甚則乘脾。脾濕不流。乃上湧痰半盆。又以舟車丸。瀦川散。下數行。仍使澡浴出汗。自爾日勝一日。常以胃風湯。白朮散。調養之。

按子和爲治。大率多用此三法。洞泄一證。縱其果有積滯鬱結之甚。元氣壯實者。亦不宜驟用此三法。況有積滯雖甚。而元氣尤虛者哉。設使果當用此三法者。亦當如仲景察證。以辨其吐汗下者。有下不可下之殊。況仲景治痢。又有合下合溫之法。焉。此得非孟浪乎。



○丹溪論局方用熱藥泄藥治痢之誤  
按此見滯下門

謹按泄瀉一證。古方率以爲腸胃虛寒與風冷乘之爲論。故多行澁熱之劑。彼瀉痢者。豈無積滯。豈無熱證乎。今觀病機機要所論。有屬寒屬風濕屬火之證。此曰於外而傷者也。又云厥陰經動并胃氣下降爲瀉痢。三曰所言七情感動。臟氣不平。亦致溏泄。此則曰於內而傷者也。外則當調六氣。內則當平五藏。况又有飲食所傷。腸胃停滯所致者。治法各不同也。然更有曰胃氣下流而泄者。在法則當升舉。曰風而成飧泄者。則當解散。曰痰積於

泄瀉治法  
上焦。以致大腸之不固而泄者。又當去上焦之痰。而不治其瀉。曰脾胃氣虛而泄者。又當補中益氣。使胃氣升騰而泄自止。蓋各求其本而治可也。

○治濕之劑

機要白朮芍藥湯。治太陰脾經受濕。水泄注下體重。微滿困弱無力。不欲飲食。暴泄無數。水穀不化。宜此湯和之。身重暴下。是大勢來亦宜和也。

白朮 芍藥 各一兩 甘草 五錢

右藥每服一兩水煎

治濕瀉茯苓湯 又治食瀉濕熱

白朮

茯苓各七錢半

右咬咀每服一兩水煎食前服

一方有芍藥三味等分名白朮散

按已上二方和中除濕足太陰陽明經藥也白朮之甘入胃而除脾胃之濕芍藥之酸澁除胃中之濕熱四肢困茯苓利水道而除濕此三味泄痢須用之藥也

蒼朮芍藥湯治證如前

蒼朮二兩

芍藥一兩

黃芩半兩

右剉每服一兩加淡味桂半錢煎服清

按此解散濕熱上中二焦之劑太陰經的藥也

良方胃苓湯治夏秋之間脾胃傷冷水穀不分泄瀉不止

五苓散

胃散

右合和姜棗煎空心服

按此乃表裏除濕之劑東垣所謂上下分消其濕是也太陰太陰經藥也出陽明飲痞例

仲景五苓散

宣明益元散

二方並見濕劑

按已上二方除濕利小便之劑太陽經的藥也

○治風之劑

機要防風芍藥湯治泄痢飧泄身熱脉弦腹痛而得

得一本作渴

及頭痛微汗

防風

芍藥

黃芩各兩

右咬咀。每服半兩。水煎服清。

按此治風。辛涼之劑。太陰太陽經藥也。

蒼朮防風湯。治泄痢脉弦。頭微痛。

蒼朮二兩

防風一兩

一方蒼朮四兩。麻黃一兩。防風五錢。薑七片。煎詳

正傳本門

按此足太陰陽明經藥也。

良方神朮散。治春傷於風。其必發泄。

蒼朮一斤

藁本

川芎各六兩

羌活四兩

粉草

細辛各一兩六錢

右為粗末。每服三錢。薑三片。煎。要出汗。加葱白。

按已上三方。治風勝濕。辛溫之劑。此則太陽經藥也。

局方胃風湯。治大人小兒。風冷乘虛。入客腸胃。水穀

不化。泄瀉。注下。方見滯下門

按此方名曰治風。其實和血之藥也。

(一) 治熱之劑

局方戊己丸。治脾胃濕熱。泄痢不止。方見滯下門

按泄瀉。局方多以為寒。至劉張始言有屬熱。屬火之證。故諸方中治熱者。皆以行景治傷寒。

挾熱下痢用葛根黃芩芍藥湯但入米之思耳

○治暑之劑

局方來復丹治伏暑泄瀉如水方見暑門

易簡云硝石性寒佐以陳皮其性疎快硫黃且能利人若作暖藥以止瀉誤矣蓋由啖食生冷或胃暑熱之氣中脘閉結揮霍變亂此藥通利三焦分理陰陽服之甚驗

按此出厥陰硫黃例藥也

香薷飲治伏暑吐瀉方見暑劑

按此治暑之表藥也肺脾經藥也出太陰厚朴例宜明桂苓甘露飲治飲水不消嘔吐泄痢或下痢赤

白方見暑劑

按五苓散益元散加寒水石解利濕熱太陽經藥也

○治寒之劑

機要漿水散治暴瀉如水周身汗出一身盡冷脈微而弱氣少不能語甚者加吐此為急病

半夏一兩湯洗

附子半兩炮

乾姜一作乾生薑

桂

甘草炙各五錢

良姜二錢半

右為細末每服三五錢漿水二盞煎至半盞和滓熱服

白朮湯

本解  
一作

白朮 芍藥 甘草炙各三錢 乾姜半兩炮  
右如前服。甚者去乾姜。加附子三錢。謂辛能發散也。

局方理中湯。治臟腑停寒。泄瀉不已。方見寒劑

按此出厥陰已寒例藥也。已上用姜附之藥。皆為暴瀉氣脫。如五虛等證。救急之劑。所謂暴瀉非陽者也。然有屬火者。亦當求責。

○治風寒濕之劑

本事麴蘖丸。治中風。或中風濕。臟腑滑泄。

川芎 神麴 白朮 附子炮各等分  
右為細末。麴糊丸。桐子大。每服三五丸。溫米飲。

下。此藥亦治飧泄。

按此出太陰例藥也。

○止澁之劑

按諸方論。並見滯下門。

○去積之劑

本事溫脾湯。治痼冷在腸胃間。泄瀉腹痛。宜先取去。然後調治。不可畏虛以養病也。

厚朴 乾薑 甘草 桂心

附子生各二兩 大黃生四錢碎切。湯一盞漬半日。搗去滓。煎湯時和滓下。

右細剉。水二升半。煎八合。後下大黃汁。再煎六合。去滓服。

本取  
一作

取一本作攻

按泄痢腹痛。其證多種。有積滯者。固宜取去。豈但  
痢冷一端而已。須詳證虛實寒熱。隨其所宜以調  
之。

○升發之劑

東垣升陽除濕湯 自下而上者。引而竭之。

升麻 柴胡 防風 神麩

澤瀉 猪苓各半兩 蒼朮 一兩 陳皮

甘草炙 大麥蘖麩各三錢 如胃寒腸鳴。加益智

仁半。芩各半錢。薑棗同煎。非腸鳴。不得而用之。

右作一服水煎。早飯後熱服之。

升陽除濕防風湯。如大便閉塞。或裏急後重。數至圍

無一而之本字

而不能便。或有白膿或血。慎勿利之。利之則必致  
重病。及鬱結而不通也。以此湯舉其陽。則陰氣自  
降矣。

蒼朮泔浸去皮 乾淨四兩 防風 二錢 白朮

白茯苓 白芍藥各一錢

右咬咀。除蒼朮。別作片子。水一碗半。煎至二盞內。  
諸藥同煎至一大盞。食前熱服。

內一本作納

按飲食入胃。氣上升。輸精心肺。然後下降。若脾胃  
有傷。不能上升。反下流腎肝。而成泄痢者。法宜填  
補中氣。升之舉之。不可踈下。此東垣發前人所未  
論也。

○調補脾胃之劑

錢 白朮散治小兒泄瀉胃熱煩渴。不問陰陽並宜服之。

人參 白茯苓 白朮 木香

甘草 藿香各一兩 乾薑按中論即是葛根

二兩

右為粗末。每五錢水煎服。

按此太陰經四君子例藥也。治小兒陽明本虛陰陽不和吐瀉亡津液煩熱口乾。以參朮甘草甘溫補胃和中。木香藿香辛溫芳香。可以助脾。茯苓甘平。分陰陽導水濕。葛根甘平。倍於眾藥。其氣輕浮。

鼓舞胃氣。上行津液。又解風肌熱。治脾胃虛弱泄瀉之勝藥也。

易簡白朮湯。治證同前。

前方藿香改黃芪是也。

秘藏黃芪補胃湯。治一日大便三四次。溏而不多。有

時泄腹中鳴。

黃芪 當歸身 柴胡 益智仁

陳皮各三錢 甘草炙二錢 升麻六分 紅花少許

右咬咀作一服水煎。食前服。

○補腎之劑

樓要肉豆蔻丸。治腎泄久不愈。脉沉細無方者效。

破故紙炒

肉豆蔻麩裏煨 各等分

右為末。棗肉為丸。桐子大。米飲湯下。空心。本事方。破故紙四兩。肉豆蔻二兩。名二神丸。治脾腎虛弱。事五味子散治腎泄。

五味子 二兩

吳茱萸半兩細粒 綠色者

右二味炒香熟為度。細末。每服二錢。陳米飲下。有一親識。每五更初曉時。必瀉泄一次。此名腎泄。服此而愈。

方金鎖正元丹。治腎虛泄瀉。小便頻數。虛冷之證。

五倍子

茯苓各八兩

龍骨煨

硃砂

別研各三兩

紫巴戟

去心 一斤

補骨脂

酒浸炒 十兩

肉蓯蓉

洗焙

葫蘆巴

焙各一斤

右為末。入研藥令勻。酒糊丸。桐子大。每服三十九。空心溫酒鹽湯任下。



玉機微義卷之七

瘧門

○內經叙瘧

內經云。夏傷於暑。秋必痲瘧。又云。先寒而後熱。曰寒瘧。先熱而後寒。名曰溫瘧。其但熱而不寒者。曰瘧瘧。

按內經論瘧。謂陰陽相并之虛實。發為寒熱。坐臥四時。及六經五臟與胃之瘧。以至連日。間日。發之。早晏。最為詳盡。學者必通考全文。玩之。

○瘧脈

要略云。師曰。瘧脈自弦。弦數者多熱。弦遲者多寒。

小緊者下之。差弦遲者可溫之。弦緊者可發汗。鉅大也。浮大者可吐之。弦數者風發也。以飲之。消息止之。脈經云。瘧脈自弦。微則為虛。代散則死。

○瘧備三因

陳無擇云。夫瘧備三因。外則感四氣。內則動七情。以食飢飽。房室勞逸。皆能致之。經所謂夏傷於暑。秋必痲瘧者。此則因時而叙耳。不可專以此論。外所曰證。有寒瘧。有溫瘧。有瘧瘧。並同素問。有濕瘧者。寒熱重。骨節煩疼。脹滿自汗。善嘔。自汗出。復浴。濕舍皮膚。及冒雨濕。有牝瘧者。寒多不熱。但慘感振慄。病以吐作。此則多感陰濕。陽不能制陰也。五種瘧疾。以外感。

風寒暑濕與衛氣相并而成除痺瘧獨熱溫瘧先熱  
牝瘧無熱外諸瘧皆先寒後熱內所因證病者以蓄  
怒傷肝氣鬱所致名曰肝瘧以喜傷心心氣耗散所  
致名曰心瘧以思傷脾氣鬱涎結肝致名曰脾瘧以  
憂傷肺肺氣凝痰肝致名曰肺瘧以矢志傷腎所致  
名曰腎瘧肝致之證並同素問此五種瘧疾以感氣  
不和鬱結痰飲肝致不內外因有疫瘧者一歲之間  
長幼相似有鬼瘧者夢寐不祥多生恐怖有瘴瘧者  
乍熱乍寒乍有乍無南方多病有胃瘧者飲食饑飽  
傷胃而成世謂食瘧有勞瘧者經年不瘥前後復發  
微勞不任亦有數年不瘥結成癥癖在腹脇名曰老

瘧亦曰母瘧已上諸證各有方治宜推而用之

按無擇有七情感動鬱氣成瘧之論可謂發千古  
之未發但所集隨證施治之方皆是溫熱脾胃之  
劑止有四獸飲云治五臟氣虛結聚涎飲夫以各  
臟君臣之藥補虛瀉實之法各各不同豈可以一  
方通治七情之瘧哉豈欲學者自求之歟嗟夫醫  
之爲學宋三百年錢仲陽之下一人而已其集方  
者尚如是欲使人撫證檢方烏可得也

○論痰能致瘧

嚴用和云素問謂瘧生於風又夏傷於暑此四時之  
氣也或乘涼飲冷當風卧濕饑飽失時致脾胃不和

痰積中脘遂成此疾。所謂無痰不成瘧一日一發易治間日一發難愈三日一發者尤其難愈。

按此謂胃氣不和。痰積中脘而成瘧。則自內而生病於外也。與素問風暑外傷雖異。然外既受傷。則內氣必鬱。亦生痰。此自外而生病於內也。瘧而挾痰。誠有之矣。其引以無痰不成瘧之一句。則失之偏也。其用藥治法。亦且未詳。

○瘧分三陽三陰淺深之異

病機要云。經曰。夏傷於暑。秋必痲瘧。傷之淺者。近而暴。傷之重者。遠而為痲。痲者。久瘧也。是知夏傷暑氣。閉而不能發。泄於外。邪氣內行。至秋而為瘧也。有

中三陽者。有中三陰者。其證各殊。同傷寒也。在太陽經。謂之寒瘧。治多汗之。在陽明經。謂之熱瘧。治多下之。在少陽經。謂之風瘧。治多和之。此三陽受病。謂之暴瘧。發在夏至後。處暑前。此乃傷之淺者。近而暴也。在陰經。則不分三經。總謂之濕瘧。當從太陰經論之。發在處暑後。冬至前。此乃傷之重者。遠而為痲。痲者。老也。居西方宜毒藥療之。

按此分風暑所傷。有陰陽淺深之異。發前人所未

論也。詳見後論中

○瘧非脾寒及鬼食辨。後添論

子和云。內經既以甚傷於暑而為瘧。何世醫皆以脾

寒治之用姜附硫黃之類甚者歸之崇性良可笑耶。又或曰夏月飲食生冷之類指爲食瘧此又非也豈知內經之論則不然皆夏傷於暑遇秋風寒而後作也邪熱淺則連日邪熱深則間日併入於裏則寒併入於表則熱若此論則了不相干於脾也治平之時其民夷靜雖用砒石辰砂有毒之藥以熱治熱亦能取效擾攘之時其民勞苦內火與外火俱動以熱攻熱轉爲吐血瀉血瘡瘍嘔吐之疾豈與夷靜之人同治哉余嘗用張長沙汗吐下三法愈瘧病極多大忌錯作脾寒治之

按此云無脾寒及鬼瘧皆是得之於暑又謂治平

與擾攘之時治瘧不同皆確論也然食瘧則世亦有之者然觀其用藥以白虎加人參湯小柴胡五苓桂苓甘露之類則調之也甚者臟用承氣大柴胡下之更不愈以常山散吐之悉是寒藥降火之劑蓋以瘧從火之化也又有謂治藹蕘貧賤之人與富貴膏粱不同之論固是然仍用溫脾散辰砂丹劫藥貧賤之人豈與治平時人同歟貧賤者脾胃虛寒其可用劫劑歟此恐非出於子和之筆也學者試思之

或問俗以瘧爲脾寒何也曰此亦有理天地之間唯吳楚閩廣人患此至多爲陽氣之所盛處其地

卑濕長夏之時人多患暍瘧霍亂瀉痢傷濕熱也。本暑盛陽極人伏陰在內脾困體倦腠理開發或日納涼於水閣木陰及泉水澡浴而微寒客於肌肉之間經所謂遇夏氣淒滄之水寒迫之是也。或勞役飢飽內傷而即病作故指肌肉屬脾發則多惡寒戰慄乃謂之脾寒爾實由風寒濕暍之邪鬱於腠理夏時毛竅踈通而不為病至秋氣斂之際表邪不能發越故進退不已往來寒熱病勢如凌瘧人之狀所以名瘧即四時之傷寒故十二經皆能為病古方治法多兼於理內傷取効脾胃和而精氣踈通陰陽和解諸邪悉散此實非脾病也但

病氣隨經升降其發早暮日次不等內經具病例已詳季世以發表解肌溫經散寒等法亦未嘗執於燥脾劫劑也。又曰既瘧本夏傷於暑為病世有不服藥餌或入與符呪厭之亦止何也。曰此夏時天地氣交百物生發濕熱薰蒸禽虫吐毒之際人日暑熱汗出神氣虛耗感時間乖戾之氣為病故與厭之亦止若移精變氣之謂也。然古人稱瘧不得為脾寒者正恐人專於溫脾之說不明造化之源而失病機氣宜之要故也。

○瘧瘧

丹溪曰內經謂夏傷於暑至秋為瘧瘧又曰瘧瘧皆

生於風痰瘧老瘧也。以其隔兩日一作纏綿未去。前賢或用峻劑恐其稟受怯弱與居養所移者所宜始。悟常山烏梅砒丹劫劑。或誤投之。輕病為重重者危矣。夫三日一作者陰經受病也。作於子午卯酉日。少陰瘧也。作於寅申巳亥日。厥陰瘧也。作於辰戌丑未日。太陰瘧也。瘧得於暑。當汗而解。或因取涼太過汗鬱成痰。其初感也弱者即病。胃氣强者伏而不動。至於再感復因內傷其病乃作。宜其難。嗟夫感暑與風皆外邪也。非汗多不解。來求治者皆已經試劫劑。胃氣熏傷似難速愈。必先與參朮等補劑。加減以取汗。得汗而虛。又行補養。下體屬陰。最難得汗。補藥力得

汗出至足方是佳兆。又有感病極深。邪氣必自臟傳出至腑。其發無時。若發於午之後寅之前者。血受病也。為難愈。須漸漸趨早方是佳兆。故治此病者。春夏易秋冬難。大忌飽食以汗之難。易為優劣也。僉憲詹公春得瘧瘧。累試劫藥。綿延至冬。來求治。予知其久得汗。惟胃氣未完。非補不可。一味白朮末之粥。丸與二斤。盡藥。大汗而安。如此者多。但略有加減。不必盡述。

按內經以瘧從風寒暑而得之。乃天之邪氣所傷。當以汗解。仲景河間悉用發表之藥。但以寒熱多少。分經絡而治。然亦有三陰三陽之異也。蓋傷在

陽者遲而暴傷在陰者遠而深在氣則發之早在血則發之異淺則日作深則間之此雖分在陰在陽是乃淺深之謂皆當從汗而解也機要謂在三陽經其汗下和解同傷寒冷外邪解而內未已者以早晚分氣血而用大柴胡大承氣桃仁承氣下之。久瘧胃中鬱鬱欲吐而不能吐當以藜蘆散雄黃散吐之此爲暴病而氣實者設也我丹溪先生論邪氣深入陰分血分而成久瘧者必當用升發之藥自臟而出之於腑然後自表作汗而解若用下藥則邪氣愈陷下而難出也又久瘧之人正氣虛者不可用劫藥損其胃氣劫之數次不愈者病

若不變必待春來氣升瘧氣隨升發之氣而出方已。遇此者當以補之。一婦人久痢一子亦痢死哭甚數日後痢止瘡作醫與四獸飲之類凡兩月召予視之。一日五六作汗如雨無休歇不能起卧食少懶語脉微數予以痢後無陰悲哀傷氣又進濕熱之藥助起旺火正氣愈虛汗既大出無邪可治陰虛陽散將在旦夕豈小劑之所能補今用人參二兩白朮二兩芍藥一兩黃芪半兩甘草少許作一服濃煎一鍾日服四五次兩日寒熱止又二婦同病瘧。一者面光澤予以濕在氣分非汗不解兩發汗則愈。一者面赤黑色予以暑傷血分用四

物湯加辛苦寒之劑二日發唇瘡而愈。臨病處治其可執一乎。前論又有食瘡痰瘡疫瘡癰瘡者。其方皆未備。學者又當隨證而思其所以治之。瘡證治法

○解表之劑

仲景白虎加桂枝湯治溫瘧

知母 六兩

甘草 二兩

石膏 一斤

桂枝 三兩

粳米 六合

右咬咀以水一斗二升煮米熟去滓煎至三升溫服一升日三服汗出愈。按此太陽陽明經藥也。

柴胡桂姜湯治寒多微有熱或但寒不熱名曰牝瘧

柴胡 八兩

桂枝 黃芩 各三兩

括蕒根 四兩

牡蠣

甘草 炙 乾薑 各三兩

右咬咀七味以水一斗二升煮取六升去滓再煎取三升溫服一升日三服初服微煩復服汗出愈。按此少陽太陽經藥也。

機要桂枝羌活湯治瘧處暑以前發頭項痛脈浮惡風有汗

桂枝

羌活

防風

甘草 各半兩

右爲粗末每服半兩水一盞半煎至一盞溫服清迎發而服之如吐加半芫麩



麻黃羌活湯治證如前惡風無汗

麻黃

去節

羌活

防風

甘草

各半

右如前服加法同

按已上二方太陽經藥也

白芷湯治瘧病身熱目痛熱多寒少脈長先以大柴胡下之微利為度後餘熱不盡者當服白芷湯以盡其邪

白芷 一兩

知母 一兩 七錢

石膏

四兩

右為粗末依前服

按此陽明經藥也

桂枝芍藥湯治瘧寒熱大作不論先後此太陽陽明

合病也謂之大爭寒熱作則必戰經曰熱勝而動也發熱則必汗泄經曰汗出不愈知內熱也陽盛陰虛之證當內實外虛不治恐久而傳陰經也此湯主之

桂 三錢

黃芪

半兩

知母

石膏

芍藥

各一兩

右為粗末每服五錢加至一兩水煎

按此太陽陽明經藥也

桂枝黃芩湯如服前藥轉大發者知三陽合病也宜此和之

柴胡 一兩 二錢

黃芩

人參

甘草

各四錢半

半夏四錢 石膏 知母各五錢 桂枝 一錢

右為粗末。依前服之。前服此藥已如外邪已罷內邪未已。再服下藥。從卯至午發者。宜大柴胡下之。從午至酉發者。知其邪氣在內也。宜太承氣下之。從酉至子發者。或至寅發者。知其邪氣在血也。宜桃仁承氣下之。微利後。更以小柴胡散其邪氣也。

按此大陽陽明少陽經藥也。已上諸方。並係發風寒暑熱之氣。自外而入。中於三陽之經者也。桂枝石膏湯。治瘧無他證。隔日發。先寒後熱。寒少熱多。

桂枝五錢 石膏 知母各一兩半 黃芩一兩

右為粗末。每服五錢。日三服。水煎服。

按此太陽陽明經藥也。治隔日發。則邪氣所舍深者也。

麻黃黃芩湯。治瘧發如前證。而夜發者。

麻黃一兩 甘草炙三錢 桃仁三十箇  
去節去節 黃芩五錢 桂二錢  
去皮去皮 尖尖

右為細末。依前服。桃仁味苦甘辛。肝者血之海。血驟則肝氣燥。經珩謂肝苦急。急食甘以緩之。故桃仁散血。緩肝。謂邪氣深遠而入血。故夜發。乃陰經有邪。此湯發散血中風寒之劑。

按此治風暑深入陰分而夜發乃血受病邪氣所  
舍尤深者也。麻黃桂枝桃仁等乃太陽經血藥也  
非三陰經藥也

○溫熱燥脾之劑

寶鑑交解飲子。治痰瘧辟瘴氣

肉豆蔻 各二箇 麵裹煨

厚朴 二寸半生 半姜汁製 大甘草 二寸半 炒各半

生薑 二塊 一生一 濕帶煨熟

石等分。銀石器內。水煎。發日空心服。未愈再服必  
効

局方常山飲。治瘧疾發散不愈。漸成勞瘵

知母 川常山 草果 各一

良薑 二十 兩 甘草 灸一 斤 烏梅 去核 一斤

右咬咀每服五錢。姜五片。棗一枚。水煎溫服

易簡七寶飲。治一切瘧疾。或先寒後熱。或先熱後寒  
不問鬼瘧食瘧

常山 厚朴 青皮 陳皮

甘草 檳榔 草薹仁 各等 分

右咬咀每服半兩。於未發隔夜。用水一椀。酒一盞  
煎至一大盞。瀘出。露一宿。再將滓如前煎。別放亦  
露一宿。來日當發之早。盪溫面東。先服頭藥。少歇  
再服藥。相大有神効

人參養胃湯治外感風寒內傷生冷四時溫疫或飲食傷脾發為痲瘧

方見局方平胃散加入人參茯苓半夏草果藿香  
生薑烏梅煎

按此平胃散加減法也。出太陰厚朴例。已上諸方悉是溫脾燥烈之藥。蓋認此疾為脾寒故也。然人用之亦或有效。遂指為治瘧之良方。殊不知偶值病者陰陽相并。脾氣鬱結。暫得溫散則氣易行。濁液凝痰。中脘閉塞。因得燥熱亦以暫開。所以氣通而疾止。內經所謂勇者氣行則已是也。此古人為病氣淺而厚質者設也。若中氣虛弱之人。內有鬱

火之證。復用燥熱愈劫愈虛。咎將誰執。

嚴氏清脾湯治瘧瘵脈來弦數但熱不寒或熱多寒少。口苦咽乾大小赤澁。

青皮 厚朴 白朮 草果 柴胡 茯苓  
半芩 黃芩 甘草 炙各等分 一方有陳皮  
右咬咀姜五片煎

按此小柴胡湯加減也。治口苦咽乾大小赤澁則是內熱之證。用柴胡黃芩所以瀉少陽之熱。乃前方溫脾之一變也。方名清脾其義可知。然後以草果等藥寒熱兼用則是未能免俗也。

三因四飲治五臟氣虛七情兼并結聚涎飲與衛

氣相搏發為瘧疾兼治瘧瘡

半夏

茯苓

人參

草果

陳皮

甘草

烏梅肉

白朮

各等分

言咬咀同棗姜等分以塩少許淹食頃厚皮紙裹煨令香熟焙乾每服半兩水煎未發前併進三服按此四君子加減也出太陰藥例

七棗湯治五臟氣虛陰陽相勝乍為痲瘧不問寒熱先後並治

附子

一枚炮以塩水浸再炮如此七次去皮臍

右剉水一碗薑七片棗七箇煎至八分當發目空心温服

按陳無擇謂七情感動鬱氣成瘧故此二方以治五臟氣虛結聚涎飲等證未審孰為補虛孰為散結鬱孰為導痰學者宜自詳之

○消瘧之劑

景靈甲煎丸治瘧不差結為癥瘕名曰瘧母見方金匱氏驚甲飲子治瘧久不愈腹中結塊名曰瘧母

驚甲

醋炙

白朮

黃芪

草果

檳榔

芎藭

橘紅

白芍藥

甘草

炙

厚朴

各等

三皮咀每服四錢生薑七片棗一枚烏梅少許煎温服

按痰瘧多成癖於左脇之下。名曰瘧母。乃肝之積也。瘧屬少陽病。少陽東方之氣。故同歸於肝。又况久瘧病在血分。血亦屬肝所主也。當以鱉甲君佐使之藥。隨證虛實用之。不必泥此也。

○消食之劑

三因紅丸子。專治食瘧。

蓬朮

三稜 各二兩。醋煮一伏時。

胡椒 一兩

青皮 三兩。炒。

阿魏 二錢五。分醋化。

右為末。別研蒼朮末。用阿魏醋米糊為丸。桐子六炒土硃為衣。每服五十至百丸。

按此出厥陰南星半夏例。消積滯通鬱氣之溫藥。

也。食瘧既因飲食而得。亦當隨其所傷而治之。

○吐瘧之劑

子和常山散。吐瘧

常山 二兩。水煎。曬乾。

右水煎空心服。

機要藜蘆散

雄黃散

方並見吐劑

按瘧因外感病屬上焦。又胃膈多結聚痰涎。故用吐法以取效。然常山砒霜之類。發吐取涎。縱使獲安。脾胃不能不損。能用無毒之藥以取效者為佳。

○截瘧諸丹

寶鑑溫散治瘡疾寒熱渴多時不瘥

紫河車

菘豆各一兩

甘草一兩

生砒

一兩半另研于和作錢半

右為末與砒一處研勻每服半錢新汲水少許調下。須於發日隔夜夜深服藥。忌葷酒瓜果生冷魚腥肉物三日。孕婦勿服。但至心合此藥與人並不吐。此雖有砒一味。河車甘草菘豆三味性涼解得新水亦解得。

一剪金治瘡疾乃是聖藥也

信砒

菘豆

硫黃各等

右作一處乳鉢內杵為末用餅子捻藥一捻在

絹上裹如豆大細絲牢纏定訖剪下。每服一九。星宿全用新汲水送下。空心服。毋令人知。或先一日夜服之。

辰砂丹治瘡

硃砂

一兩五錢入藥中留五錢為衣

信砒

雄黃

各下錢

右為末入白麩六錢研勻滴水丸如菘豆大。硃砂為衣。星宿全時用無根水吞下。

宜明辟邪丹治嵐瘴鬼瘡食瘡

菘豆

雄黑豆各四十箇

信砒半錢

硃砂二粒

黃丹一錢

右為末同入乳鉢內滴水為丸。分作三十粒。每

一粒。用東南桃心取七枝研汁。將井花水。於辰  
早辰日欲出未出向日吞之。醋湯亦得。

### 三因紅散子

黃丹

炒色變

右入建茶合和。每服二錢匕。白湯調下。或溫酒  
下。一方用蒜不以多少。杵黃丹丸雞頭大。每服一  
丸。臨晨面東新水下。

按瘡丹多用砒霜大毒之藥。本草主諸瘡風痰在  
胸膈可作吐藥。蓋以其性之至燥。大能燥痰也。黃  
丹本草能主驚癩癩疾。除熱下氣。亦是勝痰去積  
之藥。太抵瘡丹雖有燥痰之功。大傷胃氣。脾胃虛

者切宜戒之

謹按治瘡之方。風暑外傷者。解表之藥。機要詳矣。  
痰瘡之治。宜從丹溪所論。陳無擇論濕瘡有六附  
湯。此不詳載。又機要有中三陰經之論。而治法用  
藥。雖有痰瘡入血之一方。然亦失於詳悉。嚴氏謂  
瘡生於痰。三因疫瘡食瘡瘴瘡七情感動等。瘡而  
諸方未有可取。况亦多所缺略。竊觀其意。美以脾  
濕燥熱之方。可以兼治諸瘡。故不詳述。此亦瘡之  
所由也。學者知其名識其意。苟能思之。則瘡之  
施治矣。又何必待其詳也哉。